

---

KŌṂṂAN BWE  
WĀNŌK EN  
KAINŌKNŌK  
LŌṂŊAK KO AṂ



# KOBBAN

---

Kadkadin . . . . .	1
Kobrak Mour eo Am̄ kōn Meram . . . . .	2
Kōttoļok im Jumae Marok. . . . .	3
Pukōt Kajoor n̄an Joļok Jerawiwi . . . . .	5
Jipañ Ro Jet . . . . .	10
Ilo Kajoor eo an Irooj . . . . .	12
Kakobaba in Kein Jipañ ko jet. . . . .	13

Jeje jen

Kabuñ Eo an Jisōs Kraist im Armej Ro Rekwojarjar Ilo  
Raan–kein Āliktata

© 2006 Intellectual Reserve, Inc.

Aolep jimwe ko rej pād ippan.

Kar jeje ilo United States of America

Kōmālim ilo kajin English: 1/06.

Kōmālim ukook eo: 1/06.

Ukook eo an *Let Virtue Garnish Thy Thoughts*

Marshallese.

00460 874



# KADKADIN

---

M̄are ikōtaan ʒeo im lio pālele ej dilepen karōk in m̄ōṅōṅō eo an Jemedwōj Ilañ. Epaake doon ilo ānbwin ej juon m̄ōttan ekwojarjar an kaddad in m̄are eo. Ej kōm̄man bwe ajri ro ren ʒotak ñan baam̄le ko, im ej kepaakʒok ripālele ro ñan doon ilo aolepen mour ko aer.

Rikapo eo ej kajioñ ñan kabōjrak karōk in m̄ōṅōṅō eo an Irooj kōn kwaʒok bwe epaake doon ilo ānbwin ej ñan wōt kōtōprak m̄ōm̄ an kanniōk eo an juon make. Pija nana ko rej kōketak kakkure in im ej kainepataik ʒōm̄nak kōn e make. Pija nana ej kwaʒok ak kōmeʒeʒeik ānbwin armej ak m̄wil in m̄ōm̄ an kanniōk ilo juon wāween eo me kwaʒok eñjake ko an m̄ōm̄ an kanniōk. Emaroñ in lo ilo bok ko kar je (ekoba bok ko kōn iakwe an ruo), pija ko, pija in alooj ko, annañ ko kōjrbal jarom, ikkure ko ilo kein alooj ko, ruum̄ in bwebwenato ko ilo Intōrnet, bwebwenato ko ilo talboon, al ko, ak jabdewōt jekjek. Ej juon kein jrbal an rikapo eo.

Ilo am̄ katak im kōjrbal kōjpeʒ eo an Jisōs Kraist ilo mour eo am̄, kom̄aroñ jutak ñae rikapo eo. Eʒaññe kwoj kōm̄man bwe wānōk en kainōknōk ʒōm̄nak ko am̄ en jab bōjrak (lale D&C 121:45), kwonaaj eddōkʒok ilo jeʒāʒokjen, maroñ, im kajoor. Komaroñ bōk nememen E ilo paotok eo am̄ im ʒotak ilo jetōb kōn E (lale Alma 5:14).

# KOBRAK MOUR EO AMꞤ KŌN MERAM

---

Rilomqor Jisōs Kraist ej kalimꞤuri ro me rej ļoor E: Aolepen ānbwinimi enaaj obrak kōn meram im enaaj ejjeļok marok ilo komꞤ (lale D&C 88:67; lale bar 3 Nipai 13:22–23). Kobrak mour eo amꞤ kōn mꞤool, jimꞤwe, aenōmꞤman, im tōmak. Ilo amꞤ kobrak mour eo amꞤ kōn emꞤman, enaaj ejjeļok jikin nān pija nana ak bok ko jet an marok ilo mour in jetōb.

Elṭōr Robert D. Hales an Doulul eo an Joñoulruo eo eaar katakin: “Meram im marok rejjab maroñ pād ilo juon wōt jikin ilo juon iien. Meram ej kadiwōjļok marok. Ñe meram eo ej pād, marok ej makunļok im aikuj jako. Men eo eaorōkļok, marok ejjab maroñ anjo ioon meram ijellokin wōt ñe meram eo ej makunļok ak jako” (ilo Conference Report, Epr. 2002, 80–81; ak *Ensign*, Māe 2002, 70).

Kwoj kobrak mour eo amꞤ kōn meram ilo amꞤ jar im ekkatak jeje ko rekwojarjar kōn bōro emꞤool, pukōt nān jeļā, meļeļe, im ļoor Irooj. Kwonaaj lo bwe naan eo an Anij “eļapļok kajoor in an jelōt” ioomꞤ “jān . . . jabdewōt men” (Alma 31:5). Juon jeļāļokjeñ kōn katak eo emꞤool enaaj jipañ eok ukōt mꞤwil ko im mꞤanit ko amꞤ.

Etal nān kweilok ko an Kabuñ im bōk mꞤōttan kwojkwoj eo, kejparok kwojarjar eo an raan in Jabōt, jitolok, im kōļļā juon mꞤōttan joñoul naaj jipañ eok kejparok eok make jān marok an laļ in (lale D&C 59:9). Al ko rejejet im pija ko rōkōbōkakkak renaaj karuwaineneik tok Jetōb eo nān mour eo amꞤ.

Kabuñjar aolep iien im jerbal in jipañ ilo tampeļ eo naaj barāinwōt kōkajoor



eok. Būreejtōn Gordon B. Hinckley  
ear kōnono kōn kajoor in emman ko  
an etal nān tampeļ: “Kōmṁane juon  
iminene in etal nān mṁweo imṁon Irooj.  
Ejjeļok bar juon wāween emṁanļok  
nān kanooj lale bwe en jejjet mour  
jān etal nān tampeļ. Enaaj kadiwōjļok  
nana ko an pija nana” (ilo Conference  
Report, Epr. 2005, 109; ak *Ensign*, Māe  
2005, 102).

Ilo aṁ epaakeļok Irooj, mṁantūm im  
lukkuun paotokum enaaj jidik kōn  
jidik erom ļok āniwōt mṁwil in Kriast.  
Kōn oktak eo aṁ make nān kojpeļ eo  
an Jisōs Kraist, kwonaaj katak nān “jab  
bar kōmṁan nana, ak nān kōmṁan  
emṁan wōt” (Mosaia 5:2).

## KŌTTOĻOK IM JUṁAE MAROK

---

Āinwōt an jet kareel ko naaj kobraak  
jetōb eo aṁ kōn meram, ko jet rej  
bōktok marok. Marok in eļap an ekkā  
an itok jidik kōn jidik, nañin jab kile,  
eļañne kwojjab mejmej karuo.

Pija nana emaroñ kauwōtata. An  
kōmṁan enaaj mōṁe eok kōn jemjerā  
eo an Jetōb Kwojarjar. Enaaj kōmarok  
ļok ļōmṁak eo aṁ. Enaaj kōmōjṁo im  
maroñ āliktata kakkure mṁare eo im  
mour in baamle. Ro me rej kaorōk ejjab  
to renaaj eñjake jenqļok, jab erreo, im



ejjab em̄man n̄an Anij, n̄an er make, im n̄an ro jet. Rej erom  
ļ̄om̄nak k̄on er make im dikļ̄ok aer m̄ōņ̄ōņ̄ō k̄on ājmour im ip-  
p̄an doon ko rejim̄we ipp̄an ro jet. Rejerwaani iien im jān ko  
raor̄ok, rekakkure joņak eo aer ilo Kabuñ in, im k̄omakunļ̄ok  
maroñ eo aer n̄an jerbal n̄an ro jet.

Men ko jet me rejjab k̄on pija nana remaroñ in kobraek eo am̄  
k̄on marok im m̄one kajoor in jetōb eo ilo kwe. Būrookraam̄  
ko ilo Tipi, pija ko, pija in alooj ko, al ko, im bok ko ekkā aer  
jab kaor̄ok m̄ōm̄ an kanniōk im jab m̄ool āinwōt men bajjōk,  
an waļ̄ok, im kōjak. Kōttoļ̄ok jabdewōt men me ej kadiwōjļ̄ok  
Jetōb Kwojarjar eo jān mour eo am̄.

M̄akūt̄kūt ko rem̄man renaaj jipañ eok im baam̄le eo am̄  
epaakeļ̄ok doon im n̄an Irooj. Kōm̄man joñan iien eo kwoj  
joļ̄ok n̄an alooj TV, ikkure k̄on ikkure ko an video, im kōjerbal  
kamputōr ko n̄an kam̄ōņ̄ōņ̄ō. Kōm̄mani joņak ko n̄an am̄ bōk  
kuņaam̄ ilo m̄akūt̄kūt kein, āinwōt kapen kōjerbal intōrnet  
n̄an un ko rejenļ̄ok.

Ilo am̄ kālōt ta eo n̄an kobaik ilo mour eo am̄, kajjitōk kajji-  
tōk ko āinwōt:

- Ej ke karuwaineneik tok Jetōb Kwojarjar?
- Ej ke kōm̄man bwe in eņjake kalōk doon ak kajoor?
- Ej ke jokkun wōt juon ipp̄an joņak ko an kōjpeļ̄ eo? (Keidi  
ipp̄an laajrak in tōmak joñoul jilu.)
- Ekōjkan an erreō, tiljek, im baam̄le ko aor̄ok?

Ro me rej karelel k̄on pija nana rej lukkuun in ilo aer pukōte  
ro rekāal n̄an kōjerbale, eļaptata ilo Intōrnet. Emakij̄kij aer  
kōjerbal iminene ko rekapopo. Komaroñ jet iien ioon men ko  
k̄on pija nana ilo jab kōtmene. Eļaññe ej waļ̄ok n̄an eok, m̄ōkaj  
in ilok jān i. Jum̄ae marok in. Jab kōtļ̄ok bwe en erom m̄ōttan  
mour eo am̄. Jab leļ̄ok am̄ n̄an e. Komaroñ kālōt n̄an kōjbwe-  
bewik ļ̄om̄nak ko am̄ im bar tōl er.



# PUKŌT KAJOOR NĀN JOŁŲOK JERAWIWI

---

Ełāñņe emōj kadede aṃ pen ilo pija nana nān jabdewōt joñak, komaroñ bōjrak. Ewōr aṃ anemkwoj nān kālōt ļōmņak ko im jermal ko aṃ. Rikapo eo bōlen eaar kōjbwebweik eok iṃaanļok, bōtaab ewōr ippaṃ kālōt eo āliktata. Komaroñ bar bōk kajoor an Jetōb eo ilo mour eo aṃ. Nān kōmņane menin, ṃoktata kwoj aikuj jeļā bwe aṃ Ripinmuur ej iakwe eok. Ewōr an kajoor nān jipañ eok. Eaar mej nān kōļļāik jerawiwi ko an aolep ro rej ukweļok im ļoor E. Komaroñ pedped ioon kajoor in Pinmuur eo An kōn kōjatdikdik im kajoor ilo aṃ ukweļok. kememej naan ko an Rijilōk Paul: “I maroñ in kōmņan men otemej ilo Eo ej kakajoor eō” (Pilippai 4:13).



## Kōjatdikdik

Ełāñņe emōj aṃ kar kajioñ nān kabōjrak pija nana bōtaab kar jab tōprak, komaroñ eñjake ebbwer. Satan enaaj kajioñ kōjermal ebbwer eo aṃ kōn kajioñ in kareel eok bwe kojjab maroñ bōjrak ak bwe Pinmuur eo ejjab jermal nān kwe. Men kein rej riab. Kōn eñtaan in pinmuur eo an Jisōs Kraist, komaroñ ukweļok im oktak. Irooj eaar kalimņūr bwe “Meñe bōd ko ami rej āinwōt būrōrō, renaaj mouj āinwōt sno” (Aiseia 1:18).

## Bōk bōk eddo in im kile un eo emņan

Kajjojo armej rej kadikļok jerawiwi kōn jiroñ er make, “Ejjab kōmetak jabdewōt,” “Ij kōmņane wōt ejjab aolep iien,” ak “Eñin ej iien eo āliktata.”



Elañne kopen ilo pija nana, kwoj aikuj kile mool eo kōn kwe make im jermal ko am̄. Pukōt Irooj ilo jar, im Enaaj jipañ eok etale mantum̄ ilo mool im lo eok make im un eo emman ealikkar. Ne kwojeḷa mool eo, “mool enaaj komman anemkwōjami” (Jon 8:32). Kememej bwe kwoj nejin Anij. Kōn Pinmuur eo, ewōr am̄ kajoor ñan erom ainwōt E. Kwojjamin lo mōḷōḷ ilo mantin jerawiwi. Jabdewōt iien kwōj bōk kuḷaam̄ ilo pija nana ej kakkure eok ilo jetōb. Jab komman bwe kwon pād ilo kaje ko an jerawiwi.

## Ukweḷok im Pinmuur eo

Kii eo ñan joḷok pija nana ej pād ilo ukweḷok im Pinmuur eo an Jisōs Kraist. Ukweḷok ej bōktok kajoor im juon mwil kāāl ñan Anij, juon make, im mour. Kōn kajoor in, komarōn oktakḷok jān nana. Komarōn karōk būruwōm̄ im an kilaam̄ ippān karōk eo an Anij ñan eok.

Jino kōn jar emool, im ettā ilo kajjitōk kōn jipañ. Jemam̄ Ilañ emarōn kōlapḷok ikirelel im kajoor eo am̄ ñe kwoj kajjitōk kōn bōro emool, kōn juon kalim̄mur epen ñan oktak. Jeje ko rekwojarjar renaaj jipañ eok meḷeḷe kōn kajoor im iakwe eo an Anij. Tōmak eo am̄ enaaj ḷapḷok ilo marōn eo An ñan kōkajoor eok im kadeeor eok jān kōmakoko in. Ilo am̄ joḷok jerawiwi ko am̄ im pokake kien ko an Anij, kareel eo an Jetōb enaaj bar rool ñan mour eo am̄.

Pinmuur eo an Jisōs Kraist ewōr ruo kajoor ko: ej karreoiik eok jān jerawiwi, im ej kōkajoor eok. Eltōr Dallin H. Oaks an Douluul eo an Jōnoulruo Rijjilōk ro eaar kōmeḷeḷeik:

“Ñe juon armej eaar kōmmane jekjek eo me tōprak in ej ta eo jeje ko rekwojarjar ej ḷa etan juon bōro erup im juon jetōb ettā, Rilom̄or eo eaar kōmman eḷapḷok jān karreoiik armej eo jān jerawiwi. Eaar barāinwōt leḷok ñan ḷeo ak lio juon kajoor kāāl. Kajoor kāāl in jej bōk jān Rilom̄or eo ej aorōk ñan kōj ñan kile unin karreo eo ad jān jerawiwi, eo ej ñan bar rool ñan Jemedwōj Ilañ. Ñan deḷōñ imaan Mejān, jej aikuj eḷapḷok

jān erre. Jej aikuj barāinwōt oktak jān juon armej eṃōjño ilo mour in eo me eaar jab pokake nān juon armej eo ekajoor kōn juon pikitokin ilo jetōb nān jokwe imaan mejān Anij. Jej aikuj, āinwōt an jeje ko rekwojarjar ba, ‘[erom] juon armej ekwojarjar kōn pinmuur eo an Kriast Irooj’ (Mosaia 3:19). Eñin ej meḷeḷe eo an jeje ko rekwojarjar ilo kōmeḷeḷe eo an bwe juon armej eo eaar ukweḷok jān jerawiwi ko naaj meḷokḷok i (lale D&C 58:43). Eḷḷok jān jerawiwi ko eḷapḷok jān ṇa mejḷan nān jab bar āliji. Eḷḷok ekoba oktak eo aorōk tata” (“Sins, Crimes, and Atonement,” ennaan eo kar kwaḷoke nān rikatakin an kabuñ an CES, Pāp. 7, 1992, 12).

## Kwaḷok ruwōn

Ukweḷok ekoba kwaḷok ruwōn kōn jerawiwi ko aṃ nān Irooj. E enaaj meanwōd nān ro me rej kwaḷok būruwier kōn jeraiwiw ko aer kōn bōro ko rōttā (lale D&C 61:2; lale bar Mosaia 26:29). Bōd ko reḷḷap remenin aikuj nān kwaḷok ruwōn nān rijerbal ro an Irooj ilo Kabuñ eo (ilo enañin aolep jekjek ko bisop eo). Ilo

an jab kōttōpar eo nān lale pija nana emaroñ jab menin aikuj nān kwaḷok ruwōn nān bisop eo aṃ. Ijowōt ke, eḷañne kwar tōn wōt kappok pija nana ak eḷañne kwoj bar āliji kōṇaan alooj ak kadikḷok kōjerbale, kwoj aikuj ekōnono kake men eo ippān bisop eo aṃ.

## Jipañ jān bisop eo aṃ

Bisop eo aṃ ej kea kōn jeramṃan eo aṃ ilo jetōb. Ekōṇaan jipañ eok. Komaroñ eñjake in ṃakoko in kwaḷok jorrān eo aṃ kōn pija nana nān e. Komaroñ eñjake jook ak pere kōn ta kōtmene eo. Jab kōtḷok bwe mijak ko aṃ ren ṃoṇe eok jān kōjeramṃan ko an ukweḷok. Kōn Jetōb, bisop eo aṃ



emaroñ mejele nūrbōktak eo aṃ, im enaaṃ jipañ eok ukweḷok. Emaroñ erom juon ṃōttan eo eṃman.

Ṣool nān bisop eo aṃ. Jab ṃooṃ ak kadikḷok jerawiwī eo aṃ. Aṃ ṃool enaaṃ jipañ e mejele kōn joñan im ḷap in jorrān eo aṃ. Enaaṃ dāpij wōt ekōnono eo aṃ ilo ṃojak.

## **Kōjemḷok doulul in kōṇaan eo**

Kōṇaan ilo pija nana emakijkij an waḷok ilo juon jekjek. Eḷaṅṅe kwoj koba ḷok ilo doulul in, komaroñ pād ilo ḷōmṇak ko renana, jikin ko, im annaṅ ko āinwōt tōprak ilo an juon jab kōṇaan, make ḷok, lukkuun kōṇaan jeḷā juon men, inepata, ebbeer, ak apañ. Innām kwoj likūt eok make ilo jekjek ko me rej tōl eok nān pija nana. Ālkin wōt, komaroñ eñjake inepata im āliji jekjek eo.

Komaroñ kabōjrak doulul in kōn kile im ṇa mejḷan ḷōmṇak ko iṃaan tata im ṃakūtkūt ko me rej tōl eok nān pija nana. Mejele kōn joṅak ko an ṃwil im jekpen ṇae ko aṃ im un ko. Ṣōkaj in wōt aṃ ukōt ḷōmṇak ko renana enaaṃ ḷapḷok an pidodo aṃ kabōjrak ṃakūtkūt ko me rej ḷoor tok er.

Uwaak ko reṃṃan tata naaj ro kwoj kōḷapḷok ilo aṃ kapilōk ippān Irooj, bōtaab ḷōmṇak kein remaroñ in jipañ:

- Jitḷok im jar kōn jipañ.
- Kile ṃakūtkūt ko reṃṃan me remaroñ kobrak iien ko aṃ, āinwōt ekkatak jeje ko rekwojarjar, kemourur, ak kōnono ippān juon membōr in baamḷe eo aṃ ak ṃōttam.
- Ukōt peḷaak eo aṃ. Jepool eok make kōn pija ko, al ko, im kein riit im jeje ko me renaaj iṃwe ilo eṃṃan im kotak ḷōmṇak ko. kabōjrak kein roñjake im alooj ko, armej, ak jekjek ko me raar kapo eok ṃoktaḷok. ḷōmṇak in joḷok Intōrnet eo ak kebōl in tipi eo.
- Katak wāween ko reṃṃan nān ṇa mejḷan apañ, kōṇaan ilo an ro jet jab kōṇaan, ak eñjake ko jet renana.

- Kwaļok ilo im pukōt rejtrak jān juon jinen ak jemen, eo ip-pam, ak bar juon eo kwoj ļōke membōr in baamle.

Ikirelel eo aṃ ṅan oktak ej aikuj in kajoor—ļapļok jān ikirelel eo aṃ ṅan pija nana. Kejōkļokjeṅ kōn ikirelele ko aṃ raorōk tata ṅan mour eo aṃ im mour eo an baamle eo aṃ, im kalimjōk wōt ṅan kōtōprak eṃṃan ijellok in pedped ioon apaṅ ko aṃ kōn pija nana. Jisōs Kraist eaar katakin rikaļoor ro An, “Lamp ilo ānbwin mej; innām eļāṅṅe eṃṃan mejōm, aolepen ānbwinniōm enaaj obrak kōn meram” (Matu 6:22). Ilo an ļapļok aṃ kobrak mour eo aṃ kōn ļōmṅak ko im ṃakūtkūt ko reṃṃan, edik ļok aṃ leļok aṃ ṅan nana.

## Ewōr Jipaṅ Epojok an ro Retijemļok

Jet amrej remaroṅ aikuj eļapļok jipaṅ ṅan joļok pija nana. Iminene ko rej jet iien kōkaļle ko an jorrān ko jet. Bisop eo aṃ emaroṅ leļok eok ṅan juon rikakipilōklōk eo etijemļok eo emaroṅ jipaṅ eok. Eṃṃan tata eļāṅṅe kwoj pukōt juon rikakipilōklōk eo ewōr an meļeļe eṃṃan kōn pedped ko an kōjpeļ eo.

## JIPAṅ RO JET

---

Eļāṅṅe kwojeļā bwe juon membōr in baamle eo ak ṃōttam ej alooj pija nana, komaroṅ eṅjake ebbwer, karmeje te ak inepata. Ilo apaṅ kein, komaroṅ lo kajoor ilo aṃ kapilōk ippān bisop eo aṃ. Komaroṅ barāinwōt kōṅaan kajjitōk kōn juon kōjeramṃan an priesthood eo jān juon rikabwijer priesthood eo erre. Kwoj aikuj jab ṅa ruwōm make kōn jerbal ko an ro jet. Kajjojo armej ej eddo ṅan ṃantintin make.

Komaroṅ jipaṅ eo ṃōttan ak membōr in baamle eo ilo aṃ wōnṃaanļok ṅan kōļapļok kajoor eo aṃ make ilo jetōb. Meram eo an kōjpeļ eo ilo mour eo aṃ enaaj kotak eok im kōmṃane eļap ṅan kadiwōjļok marok ilo mour ko an ro kwoj

iakwe er. Ilo aṃ pukōt jemjerā eo an Jetōb, Irooj enaaj tōl eok. Pukōt jipaṃ eo An ilo jar, ekkatak jeje ko rekwojar-jar, im pād ilo tampeļ.

Pedped kein renaaj barāinwōt jipaṃ ilo aṃ ikitōltōl ippān eo mōttan ak membōr in baamļe eo aṃ:

- Lukkuun roṃjake. Jab uwaak kōn bwilōṃ ak illu. Jab ekairir ilo leļok kapilōk. Kōnono ippān armej eo ilo iakwe im ilo wāween eo eṇojak.
- Jouj im iakwe, bōtaab jab errā ak koba ļok ilo mṃwil jab jejjet.
- Jab lāj ak bōk eddo in. Eo mōttan ak membōr in baamļe eo enaaj dik an ekōnono kōn jorrāān ko eļaññe kwoj uwaak ilo juon wāween eo elāāj ak ekaje. Kōrraat emaroṃ tōl ro jet ṃan ṇooj jorrāān ko ijellōkin pukōt jipaṃ.
- Rejtake kijejeto ko ṃan ukweļok. Kwaļok lōke ilo eo mōttan ak membōr in baamļe eo. Jar kōn e. Jipaṃ e kōn juon uwaak eo ṃan ṇa mejļan jorrāān eo, ekoba karōk ko rekkar ṃan jorrāān eo ṃan joļok pija nana ak ṃan uwkeļok. Kōketak e ṃan kōnono ṃan bisop eo.
- Nōbar kajoor ko rekkar im jermal ko remṃan.
- Kōnono ippān doon kōn wāween ko ṃan joļok kapo.
- Katak ṃan jeorļok bōd.





Elāñē eo mōttan ak membōr in baamle eo aṃ ej kōnono ippān juon bisop im bisop eo ejjab kiel juon kaje eo loe ak ealikka, komaroñ eñjake bwe jorrān eo kar jab kanooj bōk ilo jejjet eo an. Kile bwe bisop eo ej aikuḡ in pedped ioon Jetōb ñan kālōt ta eo enaaḡ emḡan tata ñan jipañ kajjojo armej.

## ILO KAJOOR EO AN IROOJ

Rijilōk Paul eaar katakin Ri epesōs kōn ekōjkan kejparok er make jān nana. “Komḡwin kōḡak aolep kein tariḡae an Anij,” eaar jeje, “bwe komḡwin maroñ in jutak ḡae etao ko an tepiḡ. Bwe adwōḡ oktak e jab ippān bōtōktōk im kanniōk, a ippān jiōb ro, ippān ro re kajoor, ippān ro irooj in marok i laḡ” (Epesōs 6:11–12).

Ilo aṃ kōḡak nuknuk in tariḡae eo an Anij, kwonaaj kejparok eok make im kōkajoor ro kwoj iakwe er. Ḳōmḡak kōn waanjoḡnak eo an Rinipai ro, ro emakijki an kar rikejdet ro aer rekajoor lukwōḡor er. Aolep iien Rinipai ro rej etal ñan tariḡae “ilo kajoor ōn Irooj,” raar anjo (lale Naan ko an Mormon 1:14; Mosaia 9:17; 10:10). Ilo aṃ pedped ioon kajoor eo an Irooj, kar letok kōn eñtaan pinmuur eo An, komaroñ barāinwōt Anjo. Komaroñ bōk aneōmḡan, ineemḡan, im mōḡōḡō ilo an kijiñēne pedped eo aṃ ilo koḡpeḡ eo an Jisōs Kraist.



# KAKOBABA IN KEIN JIPAÑ KO JET

---

## **Nana ko an piya nana**

2 Timote 3; 2 Nipai 26:22

Gordon B. Hinckley, "A Tragic Evil among Us," ilo Conference Report, Okt. 2004, 63–67; ak *Ensign*, Nob. 2004, 59–62

Thomas S. Monson, "Pornography—The Deadly Carrier," ilo Conference Report, Okt. 1979, 95–98; ak *Ensign*, Nob. 1979, 66–67

Dallin H. Oaks, "Pornography," ilo Conference Report, Epr. 2005, 91–95; ak *Ensign*, Māe 2005, 87–90

## **Kwojarjar eo an ānbwin im meļeļe kōn ānbwin**

Jenesis 1:26–27; Sam ko 8:3–5; 1 Kronikel 3:16–17; Alma 39:1–5; D&C 42:22; 88:15

Jeffrey R. Holland, "Personal Purity," ilo Conference Report, Okt. 1998, 98–102; ak *Ensign*, Nob. 1998, 75–78

Russell M. Nelson, "We Are Children of God," ilo Conference Report, Okt. 1998, 110–14; ak *Ensign*, Nob. 1998, 85–87

"Baamļe Eo: Juōn Naan in Keanñ nān Laļ in," *Ensign*, Nob. 1995, 102

*True to the Faith: A Gospel Reference* (2004), "Chastity," 29–33

## **Ukweļok im Pinmuur eo**

Matu 11:28.; Luk 15:7; Jon 3:16; 2 Nipai 2; 9; Alma 5; 7; 22:1–27; 34:32–33; 36; 39; 3 Nipai 27; D&C 18:13; 19:16–19

James E. Faust, "The Atonement: Our Greatest Hope," ilo Conference Report, Okt. 2001, 19–23; ak *Ensign*, Nob. 2001, 18–20

Boyd K. Packer, "The Touch of the Master's Hand," ilo Conference Report, Epr. 2001, 27–30; ak *Ensign*, Māe 2001, 22–24

Richard G. Scott, "The Path to Peace and Joy," ilo Conference Report, Okt. 2000, 31–34; ak *Ensign*, Nob. 2000, 25–27

*True to the Faith: A Gospel Reference* (2004), "Atonement of Jesus Christ," 14–20; "Hope," 85–86; "Repentance," 132–35

### **Anjo ioon kareel ko an laʻ in**

Rom 13:12–14; 2 Timote 3; 2 Nipai 4:31; Moronai 7:12–19; D&C 11:12; Laajrak in Tōmak ko 1:13

M. Russell Ballard, "Let Our Voices Be Heard," ilo Conference Report, Okt. 2003, 14–18; ak *Ensign*, Nob. 2003, 16–19

James E. Faust, "The Power of Self-Mastery," ilo Conference Report, Epr. 2000, 54–58; ak *Ensign*, Māe 2000, 43–45

Gordon B. Hinckley, "Be Ye Clean," ilo Conference Report, Epr. 1996, 65–71; ak *Ensign*, Māe 1996, 46–49

Dallin H. Oaks, "Be Not Deceived," ilo Conference Report, Oct. 2004, 46–49; ak *Ensign*, Nob. 2004, 43–46

Boyd K. Packer, "Inspiring Music—Worthy Thoughts," ilo Conference Report, Okt. 1973, 24–25; ak *Ensign*, Jān. 1974, 25–28

*Ñon Kokajur Jodrikdrik Ro* (2001), "Menin Kamōnōnō Ko (Entertainment) Im Media ko 17–19

Bar lale [www.combatingpornography.lds.org](http://www.combatingpornography.lds.org)



KABUŃ EO AN  
JISŌS KRAIST  
IM ARMEJ RO REKWOJARJAR  
ILO RAN KO ĀLIKTATA

MARSHALLESE



4 02004 60874 7

00460 874